



Synfocity = 957

mail us at : mzsynfo@gmail.com; mizoramsynod@gmail.com - Phone - 2314648

October 3, 2024

❑ Praise On 2024

Synfo leh Central KTP buatsaih, Praise On (Mal zai intihsiak) chu Audition Round tuang taka neih a ni a, Audition round hi mi 118-in an paltlang a ni.

Audition hi hmun nga - Champhai, Serchhip, Kolasib, Lunglei leh Aizawlah te neih a ni a. Judge pathum - Upa F. Lalthanmawia, NI. R. Lalrinmawii leh Pu Michael Lalneihtluanga te bakah Guest Judge Tv. H. Lalhazuala ten an endik a ni. Synfo atangin Video Coverage tiin thawktute an kal bawk.

Praise On First round hi October 14-16, 2024 chhungin Saron Veng Kohhran Jubilee Hall-ah neih a ni ang a, chawhma dar 10 atangin TV leh YouTube-ah Live-a pek chhuah thin a ni ang. 2nd round (Top 30) atanga Final thlengin Hruaina Eng TV leh YouTube lamah Live-a pek chhuah a ni bawk ang. 2nd Round hi Saron Veng Kohhranah tho neih a ni ang a, Top 10 leh Top 5 intihsiakna hi Dawrpui Kohhranah neih a ni thung ang.

❑ Oath Taking, Lamp Lighting leh Graduation Day

College of Nursing, Synod Hospital, Durtlang chuan October 3, 2024 (Ningani) chawhnu dar 1:00 hian Oath Taking wawi 51-na, Lamp Lighting Ceremony leh Graduation Day wawi 20-na, Multipurpose Hall, College of Nursing, Synod Hospital-ah an hmang dawn a, Synod Moderator Rev. R. Vanlalngbaka chu Khuallian a ni ang.

Dr. Lalhakima, Director-in inlawmna thu a sawi ang a, Pi K. Lalengzauvi, Asst. Nursing Superintendent-in Bible chhiar leh tawngtaiin hunserh a hmang ang a. Pi C. Lalrintluangi, Principal-in report a pe ang a, Pi Ramfangzauvi, Nursing Superintendent-in Oath taking leh Lamp lighting hun a hmang ang a, Dr. Lalhakima, Director-in Graduate tharte hnenah Certificate a sem ang. Zirlai ti thate hnenah Moderator Rev. R. Vanlalngbakan lawmman semin thusawina hun a nei ang a. Rev. V.L. Luaia Hranleh, Executive Secretary-in Graduate tharte leh Zirlai tharte tawngtaisakna hun a hmang ang a, Award hrang hrang pasarih sem a ni bawk ang.

❑ KTP

September thla chhung khan YRC Convention Centre & Dormitory-a hman tur thilpek hetiang hian dawn a ni -

Table	- Zemabawk Bial
Lectern	- Falkland Branch
Mattress	- Armed Veng North Branch, Zemabawk Vengthar Branch & Bethlehem Branch
Chair	- Republic Vengthlang Branch & Champhai Zotlang Branch
Dawhkante pathum	- Armed Veng South Branch

❑ Social Front

October 5-6, 2024 chhung hian Ram ngaw, Nungcha & Tuihna Humhalh leh Pianpun Awareness Campaign nei turin campaigner-te hetiang hian an chhuak ang:

Ramthar Veng Kohhran	:	Dr. Lalbiakmawia Ngente Ram ngaw, Nungcha leh Tuihna humhalh
Maubawk Kohhran	:	Er. H. Duhkima Ram ngaw, Nungcha leh Tuihna humhalh
Tuikual South Kohhran	:	Rev. Lalrinmawia Pianpun chungchang
Ramthar North Chawhnu tleirawl	:	inkhawm : Upa Prof. H. Lalthanzara Ram ngaw, Nungcha leh Tuihna humhalh
Ramhlun Kohhran	:	Rev. V.L.Luaia Hranleh Ram ngaw, Nungcha leh Tuihna humhalh
Keitum Kohhran	:	Pu P.C. Lalchhandama Ram ngaw, Nungcha leh Tuihna humhalh

- ❑ **Kohhran Hmeichhia**
October 5-6, 2024 chung hian Hnahlan Bialah Leadership Training & Kristian Chhungkaw Campaign nei turin Committee member-te, Pi A. Nazi, Pi K. Rinthianghlimi leh Pi Tlangthanpari te an kal ang.
- ❑ **Synod Mission Board**
 - ◆ **Calcutta Mission Field**
September 28, 2024 (Inrinni) khan belhtu thar 34 an awm a, September 29, 2024 (Pathianni) khan belhtu thar 25 an awm bawk.
 - ◆ **Karbi Anglong Mission Field**
September 28, 2024 (Inrinni) khan belhtu thar pasarih an awm.
 - ◆ **Jhardkhand Mission Field**
September 29, 2024 (Pathianni) khan belhtu thar pakua an awm a, kohhran dang atangin mi 16 kan kohhranah an rawn inpe bawk.
 - ◆ **Lucknow Mission Field**
September 29, 2024 (Pathianni) khan belhtu thar pakhat a awm.
 - ◆ **Odisha Mission Field**
September 29, 2024 (Pathianni) khan belhtu thar pathum an awm.
 - ◆ **Patna Mission Field**
September 29, 2024 (Pathianni) khan belhtu thar pakua an awm.
 - ◆ **Assam Mission Field**
September 29, 2024 (Pathianni) khan belhtu thar pakhat a awm.
 - ◆ **Arunachal & Assam Mission Field (East)**
September 29, 2024 (Pathianni) khan belhtu thar pakhat a awm.
 - ◆ **Arunachal & Assam Mission Field (West)**
September 29, 2024 (Pathianni) khan belhtu thar panga an awm.
 - ◆ **Delhi Mission Field**
September 29, 2024 (Pathianni) khan belhtu thar pakhat a awm.
 - ◆ **Ramthar Campaign**
October 5-6, 2024 chung hian N. Vanlaiphai Bialah Ramthar Campaign nei turin Rev. R. Lalhmingsanga, Secretary, Synod Mission Board a kal ang.

❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Khawlailung Dinthar	Vanduaina	2	₹ 25,000/-
2.	Chhingchhip Venghlun	Damlo	1	₹ 10,000/-
3.	Tuidam	Khawsak harsa	1	₹ 10,000/-
4.	Saihapui K	Tuilian tuar	1	₹ 8,000/-
			Belh khawm	₹ 53,000/-

❑ **FM Zoawi - Aizawl & Lunglei : Hruaina Eng Radio Programme**

October 4, 2024 (Zirtawpni) @ 7:30 p.m. :

- Solo** : Lalrammuani - Tawpna ni
- Zaipawl** : ITI Kohhran Zaipawl - Tih tak zet a duh si
- Thusawi** : Rev. Lalrinmawia - Duhthlanna
- Solo** : Lalruatfela Pachuau - Nun thuruk
- Zaipawl** : Durtlang Bial Zaipawl - Ka hnaih zel

❑ **Su Samachar Prasaran Programme :**

October 6, 2024 (Pathianni) 5:30 pm. :

- Group/Choir/Solo** : Synod Mission Choir - Teri jay jay kar
- Group/Choir/Solo** : Central PYF Choir - Krus Par
- Sermon** : Rev. James C. Lalremruata
- Group/Choir/Solo** : Fabiana Malsawmtluangi - Meri Zindagi
- Group/Choir/Solo** : Champhai Bethel Pastor Bial - Jab Jab Dekho

☐ **Hruaina Eng TV Programme**

- 3.10.2024 (Ningani)** 8:30 pm : Praise On Aizawl Audition Day 3
4.10.2024 (Zirtawpni) 5:00 pm : Kristian Naupang Pual
 8:30 pm : Praise On Aizawl Audition Day 4
5.10.2024 (Inrinni) 5:30 pm : Puitling Sunday School Zirlai
6.10.2024 (Pathianni) 8:00 am : Weekly round up
 5:30 pm : Su Samachar Prasaran
7.10.2024 (Thawhtanni) 8:30 pm : Hruaina Eng Luang chhuak - Rev. J. Vanlalhnuna

☐ **Moderator leh Executive Secretary-te Programme:**

Rev. R. Vanlalnghaka : Moderator

- Oct. 5, 2024 Chawhma - Saikhamakawn Kohhran Golden Jubilee
 Kohhran tlawh - Sesawng Kohhran (Zan)
 Oct. 6, 2024 Kohhran tlawh - Chawhma - Pehlawn Kohhran, Pehlawn Bial
 Chawhnu - Kepran Kohhran, Pehlawn Bial
 Zan - E. Phaileng Kohhran, Pehlawn Bial

- Oct. 7, 2024 Hospital BEC
 Oct. 9, 2024 Ramthar BEC
 Oct. 10-13, 2024 Chhimchhak Presbytery

Rev. C. Zoramawia : Senior Executive Secretary

- Oct. 10-13, 2024 Khawthlang Presbytery

Rev. V.L. Luaia Hranleh : Executive Secretary

- Oct. 5, 2024 Sihphir Vengthar Kohhran Biak In thar hawn
 Oct. 6, 2024 Ramhlun Kohhran - Social Front programme
 Oct. 7, 2024 Hospital BEC
 Oct. 8, 2024 Central Kohhran Hmeichhe OB Meeting leh FG&CC Committee
 Oct. 10-13, 2024 Teirei Presbytery

Rev. Dr. K. Lallawmzuala : Executive Secretary

- Oct. 6, 2024 Central Jail, Prison Ministry Programme
 Oct. 7, 2024 Synfo Committee & Council of Churches in Mizoram, Press Conference
 Oct. 8, 2024 Hospital Enthatu Committee
 Oct. 9, 2024 Ramthar BEC
 Oct. 10-13, 2024 Chhimphei Presbytery

HRIATTIRNA

Synod Multipurpose Training Centre (SMTC), Mission Vengthlang, Aizawlah a hnuaia Trade-ah te hian training hawn a ni leh dawn a. Dilna form hi Office hun chhungin SMTC Office-ah lain Kohhran lehkhane nni 22 November, 2024 thleng theh luh theih a ni.

1. Puanthui (Hmeichhia)
2. Puanthui (Mipa)
3. Beauty Culture
4. Mobile Phone repairing
5. DCA (1st Semester)
6. Electric wiring & repairing of Home appliances

Interview hun: November 25, 2024 (Thawhtanni) dar 9:30 a.m

Director
 Synod Multipurpose Training Centre,
 Mission Vengthlang, Aizawl

SAWMNA

October 18-20, 2024-a Masihi Sangati Convention vawi 33-na, Saitual Kohhran Biak Ina neih turah hmun hrang hranga Masihi Sangati Fellowship-te lo tel vek tur leh Area chhunga ringlote a tam thei ang ber hruai khawm turin kan inngen a, kohhranhote min tawngtaipui tur leh min tawiawm turin kan sawm a che u.

Speaker : Rev. Darrema Hlawndo i/c Aizawl North Bial
Thupui : Chhandamtu Isua (Tirkhohte 4:12)

Sd/-
Rev. R. Lalhmingsanga
Secretary
Synod Mission Board

ADVERTISEMENT

Mizoram Presbyterian Kohran Hmeichhiate enkawl Women Centre, Phunchawng-ah Puanthui zirtirtu (Instructress) hna mi pahnih tan leh Security Guard mi pakhat tan a ruak a. Presbyterian Kohhran dan chhunga awm, Women Centre-a awm chilh thei tur tan dil theih a ni. Dilna Form hi Kohhran Hmeichhe Department, Synod Office-ah lam theih a ni ang. Dilna Form la chhuak remchang lote tan Bial Kohhran Hmeichhe Ziaktu hnenah PDF-a thawn chhuah a ni a, Synod website-ah download theih a ni bawk a, he mi hmang hian online pawhin a dil theih ang. Instructress hna diltu chu Puanthui thiamna Certificate nei, kum 5 tal Puanthui Experience nei a ni tur a ni a. Security Guard hi Class VIII pass, ruihtheih thila fihlim an ni tur a ni.

Dil theih hun chhung - November 19, 2024 (Thawhlejni) thleng
Interview - November 22, 2024 (Zirtawpni) dar 10:30 am
A hmun - Synod Committee Room I, Synod Office
Dilna thawna tur - 9862306787 / 8731000964

Sd/-
Rev. V.L. Luaia Hranleh
Executive Secretary i/c Kohhran Hmeichhia

ADVERTISEMENT

Mizoram Presbyterian Kohran Hmeichhiate enkawl Women Centre, Phunchawng-ah kum 2025 chhung atan Puanthui zir dilna hawn a ni leh ta a. Presbyterian Kohhran Dan chhunga awm tan dil theih a ni. Puanthui zir tur mi 40 lak tur a ni ang a, kum khat chhung zir tur a ni. Dilna Form chu Kohhran Hmeichhe Department, Synod Office-ah lam theih a ni ang. Synod Office-a la remchang lote tan Bial Kohhran Hmeichhe Ziaktu hnenah PDF-a thawn chhuah a ni a, synod website-ah download theih a ni bawk a, he mi hmang hian online pawhin a dil theih ang.

Dil theih hun chhung - Ni 5.11.2024 (Thawhlejni) thleng
Interview - Ni 7.11.2024 (Ningani) dar 10:30 atangin
A hmun - Synod Committee Room I, Synod Office
Online a dilna thawna tur - Kohhran Hmeichhe Office Phone Number - 9233437689

Sd/-
Rev. V.L. Luaia Hranleh
Executive Secretary i/c Kohhran Hmeichhia